



Tuhaqtitaujuqhaq

Tuhaqtitauhainnaqtukhaq

GNkut havaktiit takuniaqtut akituqjuumirnirmik unalu hivituqjuumiqtuq Nunavunmi Iglumiujunun Ikajuutit

Iqaluit, Nunavut (May 9, 2024) – Kavamatkut Nunavunmi havaktiit nanminiqaqtut ilituriungnaqhijait inmi akiliuhiamingni akituqjuumiqtut uvani tatqirhiunmi, quana nutaanun akituqjuumirutinun hapkununga Nunavunmi Iglumiujunun Ikajuutinun.

Nunavunmi Iglumiujunun Ikajuutit havaktit ikajuutait Kavamatkut Nunavunmi (GN) havaktiinun kitut nanminiqaqtut akiliqtijuluuniin inmi iglumingnik nanminiqaqtunun niuvaanirmun, inuunirmik ikajuutiqaqtunik havaktiit igluinik.

Uvani Qitiqqautijuq, Ministaat Kiinaujaliqijitkut Lorne Kusugak tuhaqtitijuq tapkua Nunavunmi Iglumiujunun Ikajuutinun akituqjuumirniaqtut hamanga \$400min hamunga \$1000mun atauhiq tatqirhiut, atauhirmun igluqaqtumun, akiliqtaulutik aadjikiiktunik iliuraidjutait hivulirnir malruk akiliuhiaq tatqirhiunmi. Minista Kusugak tuhaqtitiblunilu ublumi tapkua GNkut havaktiit pijaaliqtut ikajuutiniq.

"Kavamakput akhuuqtut uvunga *Katujjiluta* pitquidjutaanun qiniqhialutik qanuqtuutikhanik nanminiqaqtunun ukualu akiliqtijut akiliruminaqhilugit Nunavunmiunun qanuqtut ikajuutikhaq havaktinun nuutirnirmun havaktut igluinin nanminikhainun. Una akituqjuumiqtuq ikajuut tunihijuq havaktinun kitut nanminiqaqtut akiliqtijuluuniin nanminiqaqtunin niuvaajunin," uqaqtuq Minista Kusugak.

"Ilitariblugillu tapkua amigaitut ilaujut akhut-havakpaktut kavamatkuni hivitujumik-havakhimajut havakaffuktut havaktit. Ilaliutihimajut nutaamun \$1,000 ikajuutinun qaffitaalaunia, quviahuktunga tuhaqtitilunga havakaffuktut havaktit avatqumajumik siksik tatqirhiutinik aulahimaaqtumik kivgaqtuqtut pijaaliqtut haffuminga Nunavunmi Iglumiujunun Ikajuutinun."

Kangiqidjutit hapkununga Nunavunmi Iglumiujunun Ikajuutinunun piinarialgit hamani Kavamatkut Nunavunmi qaritaujaliqiviini. Havaktit kitut tunijaujut haffuminga Nunavunmi Iglumiujunun Ikajuutinik itqaumatqujaujut nutaanguqtqlugit inmi kangiqidjutitik

najugatiklu tutuquumavingni. Kangiqhittiarumaguvin, ilituripjaqlgu
householdallowance@gov.nu.ca hivajaqluguluuniin 1-800-316-3324.

###

Tuhaqtipkainikkut Uqarvigijaqhaq:

Hillary Casey
Aulapkaiji, Maniliqinirmun Atugaqhaq
Maniliqijitkut
867-975-5831
financecoms@gov.nu.ca

ለፌርማዊና ከፌርማዊርንስ ሚኒስቴር www.gov.nu.ca.

News releases are available in Inuktitut, English, Inuinnaqtun and French on www.gov.nu.ca.

Tuhaqtitaujukhat hailihimajun Inuktut, Qablunaatun, Inuinnaqtun Uivuitllu uvani www.gov.nu.ca.

Les communiqués de presse sont disponibles en inuktitut, en anglais, en inuinnaqtun et en français au www.gov.nu.ca.